

Oñnor Hókókkol Zano

DSHS esthaf membór ókkol e bála sewá dibella waadagoijjé. Añara acagoride esthaf adde añara zitara sewá de ekzon arekzonore izzot goribou.

Oñnottu ze hók asé:

- Ekkan bóddoro, munaséf adde izzotola torikat beébar faiba.
- Sób furgram adde sewá ókkol zín e oñnore modot goribo íin baabote maalumat faiba.
- Zehono DSHS Community Services Office (Koum Sewár Ofis) ot dorhás goribella, intharneth ot washingtonconnection.org yá fottidin bebcár thaímot 877-501-2233 nombór ot koól de fariba.
- Nize hañzir oiyére modot faibella, fún or duara yá uggwá appuainmén loi fariba.
- Fáaida ókkol ólla kengorí dorhás goriba yían baabote honikkattú fusargorí fariba.
- Zeñtte oñne arós goriba e comot ekkan dorhás goñsiloí fariba.
- Oñnor dorhás adde oinno fórom ókkol furagoribella modot faiba.
- Hótahuwa sara oñne ekkan dorhás gori nófariba yá goroón bála nóibou.
- Ofis thaimot ekkan dorhás goitto sáaile eki din ót oñne yían fuaragorí fariba.
- Kessu maalumat cúrigiyói de endilla ekkan dorhás oñne de fariba. Homsehóm, ekkan dorhás kóbulgoribella yíanor butore hamaha oñnor nam, thíkana adde dostok táka foribou.
- Tháim mozin uggwá hótabangidouya ottú modot faiba zeñtte oñne arós goriba yá lagibou.
- Oñne buzi farode zuban ot lagede habosfónna ókkol faiba.
- Ekkan intarbyú ot lagifarde cízókkol or ekkan líis oñnore dibo.
- Lagede maalumat or láayeki cékgoribella DSHS ottú modot faiba.
- Zodi oñne ofis ot aíbella fosón nógoró toile ekkan fún intarbyu loi fariba.
- Oñnor fáaida ókkol baabote ekkan leíkka notís goñsi faiba.
- Dífarmén or niyom ókkol saái fariba.
- Oñnor maamela fail ot oñnor baabote maalumat ókkol saái fariba.
- Zodi oñne maásus gororde oñnor fuañti munaséfi beébar nógore toile ekkan nalíc goribella modot faiba.
- Oñnor maamelat oiyede hendilla hono hashormot zodi oñne narazi oile ekkan fúnani gori fariba.

Zodi oñne Basic Food (Asól Hana) fáaida ókkol ólla arós goille, oñnottú yó hók asé:

- Toratori sewá baabote hóibella.
- Oñnor toratori Basic Food (Asól Hana) háñt din yá hom thaimot faibella.
- Oñnor dorhás dibor 30 dínor butore Basic Food (Asól Hana) fáaida ókkol (yá oñne furgram iballa láayeki nóide yían ettála diya) goñsiloibella.
- Oñnor nogod modot sés oibar fore ehono foijjontó hana modot faibella láayeki ne yían tuaibella.



Oñne yó zettú modot fai faró:

- 211 Washington intharneth ot www.211.org yá 211 ot koól goriyére.

Zodi oñne bafó de oñnor fuañti bemunaséf beébar goragiyé adde musólla yían oñnor hamgoróyar fuañti fáaisela gorí nó faró, ekzon negaranigoróyar fuañti hótá hoibella fusar goriba.

Oñnor fún ot pousthar yían saáibella, QR koudth iba esken goriba.

